



Broj: T18 0 KT 0018361 25
Brčko: 28. juli 2025. godine

Optužnica potvrđena dana 01.08.2025.godine

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

O P T U Ž N I C U

Protiv:

G.B., rođena 1967. godine u Brčkom,

Što je:

Dana 27.02.2025. godine, u ulici Bijeljinska broj ..., Brčko distrikt BiH, oko 15,40 sati, nakon kraće verbalne rasprave sa R.R.D i Dž.D., koji su kao novinari Centra za istraživačko novinarstvo došli ispred parking prostora tržnog centra „Bogičević“ kako bi napravili reportažu, a potom je svjesna i sa namjerom da Dž.D. tjelesno ozlijedi, a što je i htjela, od R.R.D. oduzela kišobran s kojim je Dž.D. zadala više udaraca u predjelu glave i šake usljed čega je isti zadobio laku tjelesnu povredu u vidu nagnječenja glave i nagnječenja obje šake, nakon čega je u namjeri da oštetiti tuđu stvar, od Dž.D. oduzela stativ pa svjesna da upotrebom fizičke snage isti može oštetiti, a što je i htjela, čupanjem odvojila glavu stativa od donjeg dijela, čime je na takav način stativ za kameru učinila nepotrebljivim, a Centar za istraživačko novinarstvo oštetila za iznos od 456,30 KM,

dakle, drugog lako tjelesno povrijedila i učinila neupotrebljivom tuđu stvar

čime je počinila krivično djelo – Laka tjelesna povreda – iz člana 170 stav 1 Krivičnog zakona Brčko distrikta BiH u sticaju sa krivičnim djelom – Oštećenje tuđe stvari – iz člana 287 stav 1 Krivičnog zakona Brčko distrikta BiH sve u vezi sa članom 54 istog Zakona.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
